

Communicaziun a las medias BCG

La Banca Chantunala Grischuna pussibilitescha da pajar a moda mobila cun Apple Pay

Cuira, ils 2 d'avust 2016 – Clientas e clients da la Banca Chantunala Grischuna (BCG) pon pajar novissimamain cun Apple Pay. Quai è pussaivel grazia a l'introducziun da la «Swiss Bankers MasterCard Prepaid Card». Plinavant dovri in iPhone pli nov u in Apple Watch. Questa nova soluziun pussibilitescha da pajar a moda sperta e nuncumplitgada en la plipart da las fatschentas ed en l'internet.

Clientas e clients da la Banca Chantunala Grischuna pon pajar en fatschentas ed en l'internet en tut il mund cun lur telefon mobil via Apple Pay, e quai a partir d'immediat. Necessari è in iPhone (iPhone 6 u pli nov) u in Apple Watch sco er ina MasterCard Prepaid Card u ina Travel Cash Card da Swiss Bankers.

La nova soluziun da pajament dad Apple Pay pon ins duvrar dapertut nua che vegn acceptada la MasterCard e nua ch'ins po pajar cun NFC senza contact. Uschia pon las clientas ed ils clients da la BCG pajar a moda sperta e nuncumplitgada en la plipart da las fatschentas en Svizra ed en tschintg milliuns fatschentas en passa 70 pajais. La carta sto sulettamain esser chargiada cun in dabun correspondent. La MasterCard Prepaid Card porscha ultra da quai ils suandants avantatgs: ella vegn acceptada sco ina carta da credit, è ideala per pajar en l'internet u cun il telefonin e dispona d'ina auta segirezza. Ulteriuras infurmaziuns èn [disponiblas qua](#).

Empè dad Apple Pay pudais Vus duvrar alternativamain [TWINT](#), il sistem da pajament mobil ed independent d'ina plattafurma, cun il qual las utilisadras ed ils utilisaders pon pajar cun il smartphone e l'app respectiva confortablamain sin cassa u en l'internet. Plinavant porscha la Banca Chantunala Grischuna in vast sortiment da cartas da debit e da credit cun diversas prestaziuns da pajament. Qua chattais Vus ina [survista](#).

Contact per las medias:

Banca Chantunala Grischuna, Medias & Investor Relations, chascha postala, 7002 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'018 collavuraturas e collavuratur (stadi dals 30-06-2016). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 23,654 milliardas in gudogn dal concern da CHF 90,4 milliuns. Il scrit da participaziun BCG è quota a la bursa dapi ils 10 da settember 1985.

Termins

Quint annual 2016: 10 da favrer 2017
Radunanza dals participants: 8 d'avrigl 2017
